

Tuesday, July 1, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

REGIONAL NEWS BULLETIN

EK PED MAA KE NAAM

Co-Operation Minister Pu PC Vanlalruata'n Ek Ped Maa Ke Naam pualin vawiin khan Mulco Complex, Thuampui ah thing tiak a phun.

International Year of Cooperatives 2025 puala Ek Ped Maa Ke Naam (Nu puala thing tiak phun beihpui thlak) ah hian Pu PC Vanlalruata chuan thing tiak hi a phun a, Mizoram ah ramngaw tha zawk a awm theih nan leh mitinin thingphun uar a pawimawh thu a sawi bawk.



EMMY's AWARD

Information and Public Relation Minister Dr Vanlalhlana'n Khawvela Journalism chawimawina ropui Emmy Awards dawngtu All India Radio Aizawl News Editor pahnih te chawimawina thuziak a hlan.

June ni 26-a khawvela Journalism chawimawina ropui Emmy Awards dawngtu BBC team-a Mizo hming lang pahnih hi AIR Editor pahnih HC Vanlalruata leh Isaac Zoramsanga te an ni a, I&PR Minister hian vawiin khan chawimawina thuziak leh lawmpuina pawisa fai a hlan a ni.

I&PR Minister chuan AIR Editor pahnihte a lawmpui thu sawiin an hnathawh chu chhuanawm atih thu a sawi a, Mizoram tan mellung pawimawh tak ani tih sawiin rampum huap anga Mizo hming ti tha tu annih thu a sawi a, Mizoram tana theihtawp chhuah zel tura chahin chanchinbumi dangte tan chona nasa tak siamtu anih thu a sawi a, hmarchhak biala lawmman la thei hmasa ber annih thu sawiin khawvel huapa chawimawina ah Mizo hming an tih that avangin a lawm takzet tih a sawi bawk.

Pu HC Vanlalruata leh Isaac Zoramsanga hian an hnathawh dan sawiin ni 10 chhunga BBC team nen an hun hman dan bakah tualchhung mi te nen an thawhho dan an sawi a, I&PR Department Secretary Pi Betsy Zothanpari Sailo leh Director Pu Lalnunkima te bakah MJA hotuten lawmpuina thu an sawi bawk.

AIR Editor pahnihte hian tunhnaia sem chhuah Emmy Awards-ah 'Myanmar's Civil War' tih thupui hmanga BBC in an buatsaih short-form documentary hian National Academy of Television Arts & Sciences (NATAS)-in News & Documentary Emmy Awards, vawi 46-na a buatsaihah Outstanding Continuing News Coverage – Short Form category-ah award an dawng a ni.



FORMER AIR ANNOUNCER DEMISE

All India Radio Announcer (Grade I) Pi Lalhmerliani Fanai chu tukin dar 8 leh minute 26 khan Greenwood Hospital ah Cancer natna avangin kum 71 mi niin a thi.

All India Radio-a aw mawi leh ngainatawm tak leh thupuan a thiam avanga a hun laia Zoram mipuite ngainat hlawh leh lar tak Pi Lalhmerliani Fanai hi kum 1975 atanga kum 2013 inkar All India Radio ah thawkin Announcer a ni thin a, Mizoram atanga Announcer Grade – 1 awm chhun a ni.

Pi Lalhmerliani Fanai ruang hi Khatla Bethel venga a laizawn Pi Lalrinawmi Fanai te inah lak a ni a, vawiin tlai dar 3 ah vui a ni dawn a, Pi Lalhmerliani Fanai hi Pu Thangdela (L) Dawrpui fanu niin, Pi Lalsangdeli Fanai, Hrangbana College Lecturer nau a ni a, Doordarshan Reporter Ezrela Dalidia Fanai Nu a ni.



NH 06

Mizorama pawl pali ten Mizoram kawngpui pawimawh Kolasib atanga Sairang inkar chu Mizoram mipuite tana pawimawh anih avangin sawrkarin rang taka hma a la lo anih chuan mipuite hnatlanga an chhuah mai a ngaih tur thu an sawi.

Pawl pali te hi Mizoram Transformation Movement (MTM), Centre For Environment And Social Justice (CESJ), Mizoram First (MF) leh Citizen Alliance For Truth And Justice (CATAJ) te hian vawiin khan Aizawl Press Club ah chanchinbu mite kawmin Kolasib atanga Sairang inkar kawng chu zawh hlehtheihloh khawpa chhia anih avang leh motor tlu leh tang an awm thin thu sawiin chak lakna kawngpui pawimawh tak anih avangin sawrkar chu a rang lama hma la turin an phut tih an sawi a ni.

Mizoram Transformation Movement President Dr Lalbiakmawia Ngente chuan National Highway 06 package 8 Kawnpui atanga Khamrang inkar kawng chu vawiin thleng enkawl ala nih loh thu a sawi a, kumin June ni 30-a PWD Minister Pu Vanlalhlana'n helai kawng enkawl hna chu Mizoram PWD mawphurhna a ni lo anga a sawi chu thudik lo a ni tih sawiin mipuite rilru hruai kawi nan a he thu hi sawi ah pawl pali te chuan an ngaih thu leh helai hmun hi Mizoram PWD enkawl lai ngei a nih thu an sawi bawk.



UNION HOME MINISTER

Union Home Minister Amit Shah chuan Digital India in hmasawnna hrang hrang a thlen thu a sawi.

Digital India in kum 10 a tlinna puala hun a hmanpui na ah Union Minister hian he thu hi a sawi a, Amit Shah chuan hriselna leh zirna atanga insumdawn tawnna thleng in mipuite ah kawng hrang hrang in hmasawnna a thlen tih sawiin thil thar siamchhuah kawng ah pawh hmasawnna hmuh tur a awm zel thu a sawi bawk.

(NewsonAIR)

